

O'zbekiston Respublikasining Davlat bayrog'i qabul qilinganining 31 yilligi

Davlat bayrog'i O'zbekiston Respublikasining 1991 yil 18 noyabrdagi 407-XII-sonli «O'zbekiston Respublikasining Davlat bayrog'i to'g'risida»gi qonuni bilan tasdiqlangan.



Davlat ramzlari har bir mamlakatning suvereniteti va mustaqilligini ifodalovchi muqaddas timsollardir. O'zbekistonning davlat ramzlari xalqimizning shon-sharafi, tarixiy xotirasi va intilishlarini o'zida mujassam etib, shu yurtda yashovchi har bir fuqaroga g'urur, faxr va iftixon bag'ishlaydi.

Respublikamiz fuqarolari uchun vatanimizning muqaddas ramzi – Davlat bayrog'i aziz. Ona Vatanimiz bayrog'iga nazar solganimizda ruhan jo'shqinlikni, qalbimizda g'urur va buyuk istiqbolga ishonch tuyg'usini his etamiz. O'zida juda katta ma'no-mazmunni

mujassam etgan, yuksak did va mahorat bilan puxta ishlangan, butun O'zbekiston ahlining asriy orzu-istiklarini, g'ayrati va shijoatini, xalqimizga xos mehmono'stlikni, ajdodlar yodi hamda millat g'ururini mujassam etgan bayrog'imiz dunyodagi barcha mamlakatlarning davlat ramzлari orasida alohida hurmat va ehtiromga sazovordir.



Bugun milliy bayrog'imiz Farmatsevtika tarmog'ini rivojlantirish Agentligi peshtoqida hilpirab turibdi. O'zbekiston Respublikasi bayrog'i qabul qilinganining 31 yilligi munosabati bilan Agentlikda Xalqaro «Oltin meros» hayriya jamoat fondi Toshkent viloyati boshqarmasi boshlig'i, O'zbekiston "Prometey" Vatanparvarlik qidiruv ekspeditsiyasi rahbari Eshmirzaeva Zarifa Arabbaevna bilan qiziqarli suhbat o'tkazildi. Bu inson "Fidokorona xizmatlari uchun ordeni", Mustaqillikning 1 yilligi, Mustaqillikning 20 yilligi ko'krak nishonlari, "Za zaslugi v uvekovechenii pamjati pogibshix zashitnikov Otechestva" (Rossiya) kabi Davlat mukofotlari bilan taqdirlangan. Bundan tashqari, "Shosh Iloq yo'llarida", "Dorogami Shasha i Ilaka" kabi kitoblar muallifi.



Suhbat davomida ma'ruzachi tomonidan davlatimiz bayrog'i tinchlik va osoyishtalik ramzi ekanligiga urg'u berilib, u ozod hamda erkin hayotimiz, yorug' kelajagimizga bo'lgan ishonchimiz timsoli sifatida e'tirof etilishi qayd etib o'tildi. Davlat ramzlarining muqaddasligi va ularga bo'lgan hurmat, mehr tuyg'usini ayniqsa, yosh avlod qalbiga singdirish muhimligi eslatildi. Shu bilan birga, O'zbekiston farzandlari qaerda bo'lmasin, qanday natijalarga erishmasin Vatan bayrog'ini ardoqlab, uni g'urur va iftixor bilan yuqoriga ko'tarishlari har bir insonga faxr tuyg'usini bag'ishlashi aytib o'tildi. Bayrog'imizga bo'lgan hurmat yurtimizning obro'-nufuzi yuksakligidan dalolatdir. Shunday ekan, sarbaland qaddimiz va qadrimiz timsolini hamisha e'zozlaylik va boshimiz uzra baland ko'taraylik, deb ta'kidlab o'tildi.

Aziz Farmatsevtika tarmog'ini rivojlantirish Agentligi xodimlari! Sizlarni davlatimiz va mustaqilligimiz ramzlaridan biri – Davlat bayrog'i qabul qilinganining 31 yilligi bilan muborakbod etamiz!

Jonajon vatanimizda yashayotgan halqimizning sog'lom hayat kechirishi yo'lida mehnat qilayotgan farmatsevtika sohasi xodimlarning samarali faoliyatiga muvaffaqiyatlar tilaymiz!

Ibragimova Muhabbat Yax'yaevna

Ma'naviy-ma'rifiy ishlar samaradorligini oshirish, davlat tili to'g'risidagi qonun hujjatlariga rioya etilishini ta'minlash bo'yicha direktorning maslahatchisi